

33783



16259

67  
18

第八冊

河渠志

卷二十一河防一

卷二十二河防二

卷二十三河防三

續河南通志



續河南通志卷之二十一

河渠志

河防一

大河九曲五在中華豫得其二自孟津以上群山東水勢不得肆至滎汜以下出險就易始汗漫善決而中州之地跨河南北其勢尤危我

國家特設重臣經理其事

睿斷神謀所以區畫之者既詳且盡庶幾萬世保其安瀾矣然而順導周防疏濬塞治之法亦撫斯土者所宜周知也續河渠志

雍正十三年夏六月築祥符程家寨堤

續河南通志

卷之二十一

河渠志 河防

一

皇帝乾隆四年三月總河白鍾山請歸德府屬添設管河通判一員將虞城與江南碭山縣交界起上至商邱縣頭堡止堤埽各工俱令新設之通判分管與江南新設之蕭碭通判彼此關會相機辦理其原設之歸河通判改為儀考通判專管儀封縣堤埽各工與考城縣河道工程開封府下南河同知專管祥陳蘭三縣河道工程部議應如所請奉

旨依議

乾隆元年正月奉

上諭河南孟縣地方有小金堤一道捍禦黃河向係民築民修朕思民力不齊工料欠缺則修築多不堅固即使





果能堅固而每歲攤派銀錢亦未免竭蹶着河東總河將此項堤工確實勘估委員承修其需用銀兩統於歲搶項下動支報銷毋得絲毫派累欽此欽遵隨經估修防風長五十丈歷年備料廂修至乾隆十九年河溜下移情形平穩總河白鍾山奏明停止動帑仍歸百姓自行修防在案

乾隆元年二月奉

上諭朕聞河南武陟縣木欒店沁河堤工關係居民廬舍每年派民夫修築以防水患里民按畝派錢約計二千四百餘兩頗爲地方之累若設立長夫三十名歲支工食銀三百六十兩即可省民間二千餘金之幫貼着該部傳諭河南總河白鍾山照此辦理其設立長夫應領工食卽動豫省存公銀兩欽此

乾隆四年築鄭州黃崗廟月堤

乾隆五年二月總河白鍾山請曹州屬添設曹儀通判一員專管曹縣曹家庄起至儀封縣與蘭陽縣交界止河道工程聽山東河道河南河北道各行督察如有舉劾事宜督臣會同山東河南巡撫一體考察其原設之黃河同知改爲單縣同知專管單縣與江南交界起至曹縣曹家庄止河道工程河南下北河同知仍令專管儀封以上至祥符縣與封邱縣交界止河道工程部議應如所請奉

續河南通志

卷之二十一

河渠志

河防

二



乾隆七年築中牟十二堡月堤

是年五月總河白鍾山覆奏疏畧所屬廳汛各缺勿論舊設新增逐一清查詳加酌議其中有可以裁併者如河南彰德府管河同知一員懷慶府沁河通判一員陽武縣縣丞一員滑縣縣丞一員皆係舊設但事簡工少所當據寔請裁至新設各缺如河南河北道係題請復設原非新添今彰衛懷三府俱在黃河北岸與直隸山東山西三省接壤地方遼濶又當南北孔道必得大員巡守稽查官員勤惰倉庫錢糧盈虧數百里河道防護催辦夫料查工核帑北岸止有

續河南通志

卷之二十一

河渠志

河防

三

該道一員地方河道吏治民生皆其專責未便議裁懷慶府黃河同知經管武陟滎澤二縣黃河二處工程實關緊要况現將武陟沁河埽工歸於該同知兼管更爲黃沁兩河最要斷難議裁開封府添設同知二缺係在南北兩岸與舊設之同知二員上下分管各有一百數十里至二百餘里不等其中險工林立在南岸者則關省城在北岸者則關運道實屬緊要未敢輕議裁併新設儀考通判曹儀通判二缺因舊設之曹州府黃河同知歸德府管河通判所管堤工俱黃河下游各管工程二百七八十里相隔遙遠大汛水漲工險之際倉猝奔馳不及是以添設畫地分



防責守如專今如裁汰仍歸舊設之員實難周顧添設祥符主簿一缺查祥符南岸堤工八十六里汛長工險舊設縣丞一員不能照管是以添設今縣丞現有要工如裁併一員勢必顧此失彼祥陳巡檢蘭儀巡檢雖分管堤工無多但此二缺原因地方印捕各官俱在南岸北岸地方於直隸山東三省毗連民俗刁頑自添設以來地方河工俱屬便宜未便裁汰武陟縣沁河主簿一缺查沁河水性猛烈與黃河相等該縣舊設縣丞一員係專管黃沁兩河工長八十餘里皆係險要勢難再管沁河且現將沁河通判裁汰則沁河工程專責該主簿一人仍裁併縣丞分身無術實在不可裁汰

續河南通志

卷之二十一

河渠志

河防

四

乾隆九年河勢南徙築滎澤縣月堤東自胡家屯西至李西庄長三里

乾隆十一年築鄭州頭堡月堤

乾隆十三年工部議覆河南巡撫碩色疏稱江南桃伏秋凌四汛要工不絕且險要處相離甚近河干無業之民千百成群以做工爲生所以一呼而集豫民散處務農工程稀少一年徵調不過二三處此卽地方官按里徵發猶慮遲悞而廳汛專司抵禦豈能分營調遣但工有緩急夫有多寡今議九週冬春農隙緩工以及零星添補廂修照江南令工員自催倘遇



緊要險工在四汛內以及創堤開河搶護緊急用夫  
浩繁者俱須飭令州縣飛撥赴工其一縣力不能任  
者仍於隣邑協濟調夫之中向又有里夫牌夫之分  
里夫派之地畝牌夫按烟戶僉撥因猝遇險工僉撥  
里夫一時不能雲集先撥沿河烟戶應役俟里夫撥  
到更替以免偏苦至於到工計方發銀必須工員按  
名核給不得委之催頭里總尅扣侵蝕不致要工有  
悞亦不慮小民受累應如所題奉 旨依議

乾隆十六年六月河決陽武祥符朱水自十三堡口

門經太平鎮分爲二道自口門沿堤東流分入延津

續河南通志

卷之二十一

河渠志

河防

五

封邱二縣之渠復合於封邱之居廂渠至鐵鑪庄分  
爲二股一股從太行堤之王家堤口入直隸界一股  
由太行堤之大冊口入直隸界由此口入東明縣之  
魏河經山東濮州范縣壽張出張秋鎮梗運河入海  
是年七月興工先築月石堤民堰以遏其冲次築玉  
皇廟大壩以塞其倒流凡五閱月費帑金數十萬十  
一月合龍斷流水歸正河乾隆十七年正月十三堡  
口門大堤築成又增築縷堤格堤等工數百丈

乾隆十八年九月河水驟漲陽武汛漫開五堡三壩  
及格堤橫壩冲决十三堡大堤四十二丈隨經補築

完固



乾隆十八年築鄭州花園月堤

乾隆十九年十二月部覆總河白鍾山條奏廣栽柳樹如有勸捐無術培養失時致有枯損缺少一千株以上者將廳官一併查叅議處庶幾廳官汛員均有考成又監生捐栽楊樹在官地內栽成四千株及自己地內栽成二千株者免其考試給與主簿職銜應如所請奉

旨依議

乾隆二十年築中牟九堡月堤

乾隆二十二年七月部覆兩江總督尹繼善總河白鍾山張師載等覆奏稱江南山東河南等省黃河兩

續河南通志

卷之二十一

河渠志

河防

六

岸灘地冲刷支河每年於霜降水落之後廳營各官卽將各汛內灘地冲刷支河幾道長寬深淺丈尺若干應築土壩幾道高矮長寬丈尺若干逐一親加確勘移會地方州縣印官覆勘核計土方數目先儘兵夫力作將額積土方分派兵夫堵築如兵夫額土不敷地方官卽撥民夫堵築統限霜降後一月內會造清冊詳道核轉定限於次年春融興工務於桃汛前如式完竣結報該管河道親驗轉詳永爲定例經過伏秋汛後如廳印各官所築土堤堅實漫灘之水足資抵禦並無坍塌者驗明確實照修築堤岸已有成效例加一級二年內亦能無悞加銜一等三年內始



終無懈於河道實有裨益該督撫保題到日以應陞之缺卽用其營汛各官所築土堤堅實漫灘之水足資抵禦併無坍塌驗明確實兵部亦照文職修築堤岸已有成效例准其加一級二年內亦能無悞加銜一等但查武職虛銜已經奏明刪除所有應加銜一等者改爲隨帶加一級三年內始終無懈於河道實有裨益該督撫保題以應陞之缺卽行題補如廳營各官於水落後不卽親爲估計移會印官覆勘或印官推諉不卽查勘堵築及桃汛前不能完竣者卽行查叅照堤岸預先不行修築例經管官降一級調用該管官罰俸一年總河罰俸六個月至堵築不堅致

續河南通志

卷之二十一

河渠志

河防

七

有坍塌及冲突奪溜情事亦卽查明承築各員揭叅照管築堤工例有一處夯杵不堅盛水卽漏併有一二丈不豐滿合式者降一級調用有二處夯杵不堅盛水卽漏併有三四丈不豐滿合式者降二級調用有三處夯杵不堅盛水卽漏併有五丈以上不豐滿合式者革職監理并兼管營汛各官所轄分管官有因築堤不堅固合式一員議處者罰俸一年二員議處者降一級調用三員議處者降二級調用四員以上議處者將監理并兼管營汛各官革職如議叙議處相同准予抵算如係監理并兼管營汛各官揭叅免其連坐又稱該管河道親驗轉詳與河臣核題若



不定以限期恐遲延亦所不免請於每年九月後該管河道驗明上年所有支河堵築土壩經歷伏秋大汛如果堅實完整者卽取結具題議叙如有承辦不力以致冲突坍卸奪溜者卽詳題請叅河臣核明具題如有遲延聽部議處又稱黃河兩岸有堤係豫省廳營管轄而內外民田隸東省者亦有堤係東省廳營經管而內外民田屬豫省者該地民人往往呼應不靈而地方官與廳員亦因隔屬遂多膜視嗣後堤工內外居民無論本省隔省如有需用修防之處卽知照地方官一體調撥倘民人抗違以及地方官慢應俱分別究叅各事宜均應如所奏俾於河防農田

續河南通志

卷之二十一

河渠志

河防

八

兩有裨益奉

旨依議

是年築中牟十堡月堤

乾隆二十三年四月總河張師載奏准兩省河臣每年或九十月或二三月先期咨會乘查勘工程之便會於連界地方將應修應浚工程凡有交涉者務須詳加商酌如應會勘卽行會議具奏倘猝遇險工本汛料物不敷就近於接壤廳汛內撥用工平之後再行撥銀買補通融辦理

是年五月巡撫胡寶瑤奏准一水利宜專責成也同知通判有一府兩員者應將所管州縣分定則責成



益重而查察易遍至州縣事務紛繁臨時或難遍及應將境內各河分派於縣丞主簿巡檢等官隨時體察報明正印并於道廳往勘時隨行查辦秋末春融酌量興工分頭兼管庶可同時並集至各河大者百餘里小者亦數十里必須民間亦有責成請每河按照村庄設立渠長選擇誠實幹力之人承充其所管業佃畧如保甲之制並將每河分定里數界限責令經管如有淤墊及堤堰殘缺者隨時報官於興修時卽令集夫督修一各河歲修宜籌也幹支各河自應每歲酌用民力照業食佃力之例修濬培築其有工段綿長民力不繼者應遵部議酌定請

續河南通志

卷之二十一

河渠志

河防

九

旨動帑仍照上年量給飯錢之例按日給工無庸按方給值則民力已可足敷而工程更可速竣均應於每年臨時籌辦惟惠濟豐樂响巴等河土性浮鬆更爲要務必須籌設歲修銀兩查惠濟河原設有歲修銀四千兩應照舊動支每年就各屬情形核實辦理其一切事宜均照原定章程毋庸更易至豐樂响巴等河向無款項查有入官銀地請以租息按年動用一民田溝洫宜開也豫省地畝均係一片相連並無田間水道應各就地形較窪之處開挖橫直小溝俾高阜平原低窪處所各有歸河之路其坑坎隨在挖塘亦可就地流注至向有大路兩傍之溝每年加挑卽以



土培路并可以便行旅一小港廢渠宜復也各州縣廢棄之坡港小渠每年農隙督令開挖成一渠有一渠之力逐年照辦事不煩而民不擾久而漸受其益一橋閘涵洞宜整也舊橋多係土墩阻水又易冲卸於各堤酌設閘座涵洞以時故閉可於漲落之後疏洩內水歸河令地方官督令渠長經營如有些微坍塌卽行稟報修整一堤堰宜防盜挖也向來水發之時每有盜挖堤缺洩水利在一已害在衆人卽復堵築田已受傷應督率分派巡查俱照例嚴拏重究以杜民害一河道阻水宜禁也河邊種葦設籬捕魚多妨礙水路令地方官督率渠長查察盡行禁絕一窪地宜加酌辦也遠年古窪細查酌辦其向可通河者現令開溝仍聽種穀若實係形如釜底又距河甚遠者俾種菱荷菱芡亦有微利或改種葦草旣不比過流阻水且可備河工料物須詳細勘明頃畝請除糧賦改照蘆課再爲減額令其輸納以息爭端此外有不可種植者再行

題請豁免但留爲四面瀦水之區奉

硃批如所議永遠實力行之

乾隆二十四年七月部覆總河張師載條奏一黃河月格等堤內外宜廣爲栽種也黃河兩岸月格等堤內外以及沮洳坑塘一體飭令各該地方官勸諭民



人廣爲栽種蘆葦以資工料其有情願報捐者確查成活數目分別造冊咨部照例議叙如或不願報捐令本主自行栽種給價交工至本主力不能栽情願捐爲官地者廳汛地方各官或另勸他戶或自行捐栽其捐出地畝額徵丁地錢糧令地方官查明詳請具題准其豁免再民間納糧地畝如或不願栽種蘆葦亦不願捐爲官地者俱各聽從民便并令該督等飭令各該地方官不得勒派栽捐一兩岸灘地支河宜勸民栽種也壩內支河廣種蘆葦務期實力奉行俾得蔓延暢茂盤結堤根既可充裕工料并可藉以禦禦汛水庶於工程錢糧均有裨益一河工歲辦料

物宜葦稽兼收也民間如有應交料物令其葦稽並交各照成規給價仍令出示嚴禁毋許胥役人等尅扣侵肥藉端滋擾倘有短價累民等弊查出嚴叅照例議處一年遠廢堤宜勸栽楊株也黃河兩岸既有大堤月堤重門捍衛尚有年久廢堤離河甚遠無資障禦均可栽種楊柳以裕工料除責令兵夫每年栽植額柳外勸諭官民捐栽俟成活之日驗明造冊咨部議叙一民人捐栽楊葦宜酌示優異以爲鼓勵也民人栽種楊葦如不及議叙之數者准其次年補栽地方官先行查驗收管申報河督存案俟三年之內統計在官地內栽成小楊二千株已地栽成一千株



及種葦四頃者造冊咨部議叙給與九品頂帶榮身  
間有沮洳不能栽數額數民人在官地栽楊五百株  
栽足葦二頃在已地栽楊二百五十株栽足葦一頃  
果能成活者該督飭令道府廳州縣等官酌量分別  
給匾獎勵其印河各官捐栽楊葦仍照舊例辦理毋  
庸更張其栽楊種葦各戶免派差徭按照多寡酌定  
年限分別辦理部議應如所請奉

旨依議

乾隆二十五年九月部覆總河張師載奏稱豫東黃  
河大堤堡房責令州縣官修理因循日久難免坍塌  
不堪居住者有之雖屢次嚴飭究因向無額定歲修

續河南通志

卷之二十一

河渠志

河防

十一

銀兩延挨觀望難收實效請照東省運河堡房之例  
每座給歲修銀五錢等語應如所奏豫東黃河堡房  
准其自乾隆二十六年爲始照例每座給歲修銀五  
錢以資修葺所需銀兩准其在於藩庫存公耗羨銀  
內動支給發仍令該撫將每年動給銀兩數目於歲  
底造入存公冊內報明戶部查核仍令該管河道不  
時查看飭令州縣官修葺葦堅固入冊交代倘有坍塌  
傾圮不堪棲止者除責令賠修完固外仍照例查叅  
議處并于每年年底將修過堡房座數支過銀兩報  
明戶工二部查核如有節省留爲下年之用奉

旨依議



乾隆二十六年七月十七至十九日大風兩河水陡漲漫溢中牟縣楊橋大堤奪溜成河而陷於襄陽欽差大學士劉統勳協辦大學士公兆惠同河督張師載巡撫胡寶瑯率領各員募夫堵築江南河督高晉亦奉命到工並率領南工將弁一體僱辦於十一月初一日合龍河流順軌築大堤二百七十七丈餘高廣實崇乾隆二十六年秋汛沁黃並漲水勢異常北岸武陟榮澤陽武祥符四汛漫缺內外堤十五處因南岸楊橋奪溜大河乾涸隨經次第補修完固

乾隆二十六年十月奉

續河南通志

卷之二十一

河渠志

河防

七

上諭據表曰修奏沁水堤埝民工天師廟尋村二處及各段大小缺口皆爲急不可緩之務現據該府縣估需銀四萬兩士民籲請借領庫項亟爲動工分作十年清還等語此等堤埝雖係民修現經被水之後秋成未免歉薄若借給庫項乘時修築事屬可行著傳諭胡寶瑯卽照所奏速爲辦理但工程用至四萬兩雖由士民借領亦必須專派一地方大員董率稽查庶堤埝可期穩固而銀兩亦歸實用表曰修僅稱知府沈榮昌估計其將來興工時應作何派委大員總司經理之處摺內未經聲明著交與胡寶瑯一面揀員督辦一面卽行奏聞並諭表曰修知之欽此欽遵隨經添築天師廟斜堤一道

長二百三十七丈挑水壩長十八丈

乾隆二十七年挑楊橋上游引河八百一十二丈是年築祥符縣時和驛二堡三堡焦橋五堡灣庄九堡埽頭十九堡堤蘭陽縣頭堡二堡堤

乾隆二十七年黃沁上北下北三廳因二十六年堤工漫溢水勢過大高於堤埧擇其形勢最要出水極險矮之處於善後事宜案內增築縷堤一百一十二段

乾隆二十九年十一月奉

上諭李弘等奏豫省耿家寨引渠告成一摺該處埽工舊稱險要今開挖引渠全河大溜悉行歸注冲刷寬深險工淤閉甚屬可嘉李弘阿思哈着加恩交部議叙其在

續河南通志

卷之二十一

河渠志

河防

函

工承辦各員亦著查明咨部分別議叙欽此

乾隆三十年四月奉

上諭河南按察使員缺着何燭補授何燭久在河工於一切修防事宜熟悉所有豫省南北兩岸河道工程仍着何燭兼管



河防職官

仍舊者已詳前志不載有添設裁汰移駐者錄後

副總河一員

雍正五年設駐劄蘭陽後改為河南山東河道總督駐劄濟寧州

彰德府管河同知一員

今裁

懷慶府黃沁同知一員

乾隆七年裁次沁河通判改為黃沁同知

歸德府管河通判一員

乾隆四年改為儀考通判

歸德府商虞通判一員

乾隆四年添設

懷慶府沁河通判一員

今裁

曹儀通判一員

乾隆五年添設

陽武縣縣丞一員

今裁

永城縣縣丞一員

乾隆九年添設

鹿邑縣縣丞一員

乾隆九年添設

續河南通志

卷之二十一 河渠志

河防

五

夏邑縣縣丞一員

乾隆九年添設

滑縣縣丞一員

今裁

偃師縣縣丞一員

乾隆九年裁

靈寶縣縣丞一員

今裁

汝陽縣縣丞一員

雍正十二年添設

淮寧縣縣丞一員

雍正十二年添設

懷河營守備一員

移駐陳橋鎮

豫河營守備一員

移駐頭鎮

陳蘭北汛千總一員

添設

祥陳二汛千總一員

今改祥陳蘭三汛千總

秦宇廠千總一員

今裁

河兵一千零九十二名

堡夫一千三百九十名

埽夫四十名

續河南通志卷之二十一終

續河南通志

卷之二十一

河渠志

河防

共

縣夫四十名

差夫一千三百九十名

差夫一千零九十二名



續河南道志卷之二十二

河渠志

河防二

各道河渠前志已載者不錄

開封府屬

陳留縣

睢水詳見前志

大坡溝

小坡溝

惠濟河

通許縣

續河南通志

卷之二十二

河渠志

河防

一

青岡河

二十二年挑濬

尉氏縣

賈魯河

有乾河

達狀溝

洧川縣

雙泊河

有駱棗河

馬又邑

鄆陵縣

在縣東南下流即祀縣萬彩河也邑東有七

步溝渠一道自關店起經李家橋入河乾隆

二十二年知縣戈雲書領

詳見前志

以上三道俱為支河在縣東北乾隆

二十二年巡撫胡寶瑑奏准挑濬

縣東北幹河也南北工埝二道乾隆

二十三年巡撫胡寶瑑奏准挑濬

詳見前志

詳見前志在縣東邑西有康溝河渠溝雨流

渠青泥渠邑北有泥溝邑南有大凌河邑東

河諸水俱入焉又邑東南有半截河下

亦入賈魯河乾隆二十二年知縣戈雲書領

詳見前志在縣東邑西有康溝河渠溝雨流

渠青泥渠邑北有泥溝邑南有大凌河邑東

河諸水俱入焉又邑東南有半截河下

亦入賈魯河乾隆二十二年知縣戈雲書領

源出密縣金花泉經長葛縣馬家潭入尉氏

縣至縣南長五十三里邑北有馬家溝邑西

有駱棗河小清河復清河永泉溝蠶龍河諸水俱入

邑北有杜公河長三十里入尉氏縣境又邑東

二里入鄆陵縣境

清流水

在縣西由鄂陵縣入境下達西華縣邑西有海紅溝北道河中道河南道河三玉帶河諸

水俱入焉又邑南有大浪溝白湯溝

文水河

由洺州縣入境經黃土岡西流折入南下達扶溝縣又雙泊河由尉氏縣入境下達扶溝

縣境

### 中牟縣

賈魯河

詳見前志由縣西入境邑西有龍髮溝白石

宋家溝姚家溝水沈寨坡姚家東溝西溝諸水俱入焉邑南有惠濟河經邑西流分洩賈魯河水勢有開

### 陽武縣

天然溝

西自原武縣婁村店交界入境東北流至李家庄入扶溝縣界長七十五里

### 封邱縣

沙河

自上縣境古黃池堤根起下流至直隸長垣縣戴澤口歸入北渠

### 續河南通志

卷之三十三 河渠志 河防

二

坡河

自上陽武縣至賈村歸入北渠

### 儀封縣

陶背河

在縣北太白集溝廻龍溝南丈廟溝周家庄溝諸水俱入焉邑東有岔溝長三十里牛家

溝長八里邑南有呂家溝長五里周家溝長三里邑西有劉陳鋪渠長十里又邑北楊家庄溝玉皇廟溝

俱長五里

### 鄭州

賈魯河

由滎陽入境東流至中牟縣邑西有黃龍池水邑南有七里河俱歸入賈魯河又東有欒

河大等河俱入中牟縣境

### 滎陽縣

索水河

在縣東聖僧店泉窩孝泉姑娘廟泉客家腦泉諸泉俱歸入河又邑西有梧桐河源出佛

姑洞亦歸入河



須水河

在縣東南與國寺泉  
漚麻坑泉俱入焉

京水河

在縣東南揚五溝泉高家泉白家河泉暖泉  
諸泉俱入焉。以上三河下流俱入賈魯河

滎澤縣

涸河

縣北連庄起西入汜水  
縣境又賈魯河在縣南

汜水縣

汜河

在縣南西流會流泉河入黃河邑南有黃龍池  
太溪池泥河棘塞河小里河諸水俱由竹葉河

歸入  
汜河

密縣

洧水

在縣東南邑北有子節水邑西有襄水緩水樊  
河邑南有平陌河馬關河邑東有梅河蛟河朝

陽河諸水俱入洧水  
東流入新鄭縣境

歸德府屬

續河南通志

卷之二十三

河渠志

河防

三

商邱縣

沙河

縣南北幹河也在南曰南沙河在北曰北沙河  
自考城縣入境下入江南亳州長一百四十六

里其上有岔河一道入入城縣澮河長二十一里惠  
民溝蘆草溝新溝諸水俱入岔河又縣東有豐樂河

一道入夏邑縣响水河長  
二十四里睦隣溝水入焉

誌溝河

在縣西南長十八里入柘城縣  
其上即明河利渠溝水入焉

冀家河

在縣西南其上流為馬  
三河馬家溝水入焉

古宋河

在縣南迤西即安樂河入寧陵縣境陳兩沙  
河徐家溝入焉又與城南之東西引河會俱

入冀  
家河

寧陵縣

五里堡河

在縣西五里堡東流入明河邑北有陳兩  
河經年家廟橋上與何家窪河合流入商

邱陳兩沙河邑南有留家窪河冀家河  
十里舖河諸水入焉邑西南有張弓河

鹿邑縣

渦河 水在縣西北清水河水入焉又北有賈家灘柳河水入焉又邑東有賴鄉河急三道河利民溝賈子河水入焉又邑東有賴鄉河急三道河利民溝賈子河水入河藍溝河懶溝白沙河諸水匯入亳州境內

清水河 縣西南幹河也下洪河練溝河諸水入焉

洺河 在縣南邑西有晉溝河黑河洪河茨河諸水入焉又邑西有西明河黃溝河俱入沈邱縣境

夏邑縣

巴清河 在縣西北下流即桶子河小引河水入焉經陳家橋入老黃河

三岔河 在縣東北小引溝水入焉下流入永城縣虬龍溝

响河 在縣西南邑西有毛河白坡河俱入焉又邑南有岐河

永城縣

巴溝河 在縣北乾隆二十二年挑濬邑西北有虬龍溝岐河邑東北有戚水溝洪溝諸水匯合經

續河南通志

卷之二十二 河渠志

河防 四

梁家橋 入宿州

澮河 即澮水詳見前志乾隆二十二年挑濬長九十里河北岸有利民溝大濶溝曹溝大白洋溝大

清溝界溝諸水俱入焉河南岸有洪淤溝小白洋溝迤南通泡河上接支河常溝桃種溝鯉魚溝童溝諸

水西流 會於澮

虞城縣

惠民溝 縣東南流入夏邑縣境長四十五里邑南有小引河永豐溝洪益溝邑東有支溝諸水入焉支溝東有橫河

焉支溝 山縣境下達碭山縣境

豐樂河 在縣西南永便溝水入焉

睢州

惠濟河 在縣西南邑西有橫河康家河姬家河諸水入焉又邑東北有十八里河由儀封縣入境

東南流 達柘城縣



柘城縣

沙河 在縣西長一十八里北流與惠濟河合又北流與老黃河合邑東南有明河長一里達商邱縣

考城縣

沙河 縣南幹河西自儀封入境東流達商邱縣長六十八里乾隆二十二年挑濬邑西南有盤馬寺

溝林皇寺溝邑東南有南渠汀水河諸水俱入焉

彰德府屬

湯陰縣

永通河 源出邑南冷泉西流與湯河水合下達衛河

林縣

浙水 在縣西南下與淇河合

武安縣

續河南通志

卷之三十三

河渠志

河防

五

洛河 詳見前志南北洛河合流出境入直隸沙河

紫金河 源出邑東諸山自外城流入內城北轉東南流匯玉帶水經五湖村同入南洛河

內黃縣

衛河 源出輝縣歷新鄉衛輝濬縣經流境內西南自南高堤東北達洎口漫衍百五十里出境一名

御河

衛輝府屬

汲縣

衛河 詳見前志在縣北長一百三十五里邑西有孟姜河長三十里入衛河邑北有滄河源出滄峪

口長七里

新鄉縣

波河 在縣南長二十五里與小波河水合入衛河又有小丹河長十五里東流經合河鎮入衛河

獲嘉縣

丹水縣北幹河邑西有新河橫河邑北有清水河邑東有沙河鯉河諸水俱入焉長四十里

淇縣

衛河在縣東南長十五里邑西北有淇河長四十里思德河長三十里趙家溝東南入新脛河邑西南有滄河諸水俱入焉

延津縣

文名渠在縣西長二十五里文名村東流入三里庄達封邱縣邑南有支渠長九里經東北流入渠

懷慶府屬

河內縣

豬龍河源出河內栢香鎮濟水分流經陳村入孟温二邑境長三十里

續河南通志

卷之二十三 河渠志 河防

六

小丹河詳見前志在縣東北大河河口築竹絡壩自石斗門起至太史庄長一十九里又自太史

庄起至薛庄長三十里雍正五年挑濬並新開東西二渠灌溉民田

濟源縣

渙水在縣南詳見前志邑西滌河邑北洛水東西二源邑東廣濟渠永利渠利豐渠諸水俱入渙河

下達黃河

修武縣

靈泉即新河源出邑西劉公河水入焉經邑北流合王母泉馬坊泉東流至獲嘉縣境

孟縣

通濟渠在縣東北自河內縣崇義鎮入境至武牆村北入猪龍河長一十七里

餘濟河縣北趙改村逸東入境長一里分為南北二渠長一十五里下達渙河

温縣



澇河 在縣西北轉邑東入黃河大澇

河南府屬

洛陽縣

孝水 在縣西北流與澗水合經七里入洛水又邑西南有豪水少水亦入洛河

偃師縣

馬澗河 在縣西北流與伊水合會洛河又有流澗河二洪溝諸水均入伊水邑東有夾溝水亦入

伊水

鞏縣

石河 在縣南西流與洛水合轉北經邑馬庵口入黃河又有市河亦入洛水

登封縣

石淙河 在縣東南流與江左河合入伊水又邑西有少陽河亦入伊水

續河南通志

卷之三十一

河渠志

河防

七

澠池縣

溫泉 在縣東南流入澠水又邑西有羊耳河雙進河英豪溝憶宗寺溝邑東有義昌諸溝石河水下

流俱入澠水

嵩縣

高都水 源出縣東高都山經邑東關入伊水又有馬翅水順陽水源頭活水邑西有賈寨水大章

水邑西南有明白川諸水亦入伊水

鴉水 在縣南有雞心山起東南流經竹園坡入伊水

南陽府屬

南召縣

鴉路河 在縣東北西南流與雞子河空山河水合入白河又邑東有留山河黃洋河獅子河鴉河

松河邑西南有鐵河灌河諸水俱入焉

鎮平縣

照河 源出縣西五朶山至鄧州出境

沿嶺河 卽趙河源出縣西嬌女朶泉入鄧州湍河長八十里西河黃土河江左河九曲河蔡家河

諸水俱入焉

潦河 在縣東長十五里邑東南之三倒流河諸水入焉又邑北有東三里河西三里河五里河十二

里河諸水俱入趙河

唐縣

唐河 在縣西上會邑東北之泌河毘河趙河邑西北之桐河邑西之澗河綿洋河邑東南之秋河江

河諸水併入唐河下達襄江

泌陽縣

泌河 縣南幹河也邑東之泚水河營盤河堡子河邑西之毘河濼水河蔡水河入焉下達桐栢縣境

續河南通志

卷之三十三

河渠志

河防

八

沙河 縣東北幹河也邑北之象河漁水河邑東北之春水河觀水河入焉下達遂平縣

桐栢縣

淮水 詳見前志縣東北幹河也邑西之水簾河河中塞河晚香溝河淮井邑北之銀路溝河邑東

北之月河毛家集河桐樹河固縣河邑東南之出山店河鄭家山河犁耙口河白馬津龍潭諸水俱入焉

下達信陽州

江河 在縣北盧家河澧河水入焉

鄧州

湍河 詳見前志縣北幹河也下流入新野縣白河長一百七十里邑東北之嚴河焦子河洋洛河

涅水邑北之江河陽河諸水俱入焉

刁河 詳見前志州南幹河也邑東之母猪河湯元河王家河諸水入焉長一百五十里

桐梓河

源發州境滾岡下達新野縣小刁河



夏家河源發浙川縣經縣東南與小王家河菜黃河桃源河排子河諸水合下達襄江

內鄉縣

湍河詳見前志縣東幹河也黃水河螺鄉河長城河諸水入焉又邑東有休河邑西有丹河

老鸛河在縣西南小水河丁河諸水入焉

新野縣

白河縣西幹河也長一百一十里源出嵩縣雙雞嶺下流與邑境之潦河老幹河姚陂河江石河七里河小河口河小刁河栗河沙河黃渠河諸水合入襄陽縣境又邑東有澗河下入唐河長四十五里下流經襄陽

入白河

浙川縣

丹江河卽丹水詳見前志縣西南幹河也與浙水合邑西南之黑馬泉黃龍泉邑西北之黑龍泉

雷家泉柳家泉小金河諸水俱入焉

續河南通志 卷之二十三 河渠志 河防 九

裕州

潘河在縣北源出州境七峯山北流與三里河清河趙河柳河呂家河諸水合南入唐縣境又北有

拐河源出鄭明山

賈河詳見前志在縣東黃泥河脫脚河諸水入焉

舞陽縣

洪河縣南幹河也卷河滾河舞泉諸水入焉又邑東北有沙河一道蓮花池石墓潭灰河澧河邢家

河諸水入焉

葉縣

輝河縣南幹河也又南有澧河東南有于江河北有沙河又北有湛河

汝寧府屬

汝陽縣

馬常河源出縣境邱家坡下與洪河荆河水合又汝水合  
流與漆水合  
亦入汝河

### 正陽縣

汝河在縣東北長一百里郭家渠胡家渠澗水渠清  
水渠彭家渠諸水入焉又邑西南有淮河長六  
十五里至涂家店入息縣境  
十里溝白水渠諸水入焉

### 新蔡縣

洪河縣北幹河也東流與汝水合  
入息縣境又邑東有胭脂河

### 西平縣

淤泥河源出縣境黃龍池關橋河水入焉又邑南有  
焦家河仙女池邑西有洪河東流與沙河合

### 確山縣

吳寨河縣南幹河也桂家橋河唐家坡諸水入焉又  
邑有十里河三里河楊村河黃西河牛家河

## 續河南通志

### 卷之二十三

河渠志

河防

十

### 陳州府屬

#### 淮寧縣

棗林河一在縣南一在縣東下流與東西蔡  
河枯河小明河諸水合流入沙河

#### 商水縣

汾河縣西南幹河也長一百一十里邑西有鴨子溝  
青泥溝小王溝鮑家溝小青河邑南有界溝王  
家溝施家溝青龍河小息河諸水入焉又大沙  
河在縣東北長五十里渚河賈魯河水入焉

#### 項城縣

穀河在縣東上流與潁河合入大沙河邑南有  
泥河虹河邑西有十字河北新河俱入焉

#### 沈邱縣

大沙河縣北幹河淮寧之東蔡河至邑北之董家橋  
入境均於乾隆二十二年  
年挑濬下流入大沙河



太康縣

燕城河 卽渦河在縣西舊黃河七里河入焉 邑南有霍河

汝州屬

魯山縣

沙河 縣南幹河也邑南有灤河溼河商餘河邑東有沙陽石渠達老河 邑西有黨澤河七里河三里河諸水俱入焉 東流至寶豐縣

伊陽縣

永興渠 源出縣東北潦北湖

許州屬

臨潁縣

渚河 在縣西北曲折南流至鄆城縣又西南有瑪瑙河正南有馬溝河

續河南通志 卷之三十一 河渠志 河防 土

石梁河 在縣北東流與五里河合入西華縣境 襄枝河艾城河諸水入焉

襄城縣

汝河 在縣南房村河紙房河汜河諸水入焉 又邑東南有姜店河 北有潁河庚河澹河鞞勒河柳溝河馬盪河 邑南有姜店河

陝州屬

盧氏縣

洛河 詳見前志 縣南幹河也河北岸有澗底河仙峪河毛峪河沙河黑馬渠蒲峪河沙窩河索峪河河南岸有黑溝河紅澗河卜廂河泉子峪河文峪河三教峪河范里河諸水俱入洛焉 又邑西南有湯河 邑東南有伊河

光州屬

光山縣

淮河

詳見前志 縣西北幹河也竹杆河塞河水入焉  
又邑東有臨仙河與紫水河官渡水漢陂河諸水合流經光州境入淮河

商城縣

春河

在縣西上與白露河馬家堰諸水合入固始縣史河又邑西有溪河源出金剛臺黑龍澤經沙河迤邐北流達馬岡河歸入史河

黃河堤工

附堡房

南岸沿河大堤自滎澤縣舊民堤起至江南礪山縣交界止通計長五百二十六里四十八丈五尺

等堤通長一百三十九里一十一丈五尺

一滎澤縣南岸沿河大堤自舊民堤起至鄭州堤界止

順長十一里八十七丈 堡房十二座

續河南通志

卷之二十二

河渠志

河防

士

一鄭州南岸沿河大堤自滎澤縣堤界起至中牟縣堤

界止順長三十四里一百十丈 堡房十八座

又月堤長十三里一十五丈五尺

一陽武縣南岸沿河大堤夾在中牟縣頭堡之下西自

楊橋壩尾起東至中牟縣孫家庄止順長四里六十

八丈 堡房三座

一中牟縣南岸沿河大堤西自鄭州堤界起至祥符堤

界止順長五十四里二十四丈五尺 堡房二十八

商座

一祥符縣南岸沿河大堤自中牟縣堤界起至陳留縣

堤界止順長八十里一百十二丈 堡房三十八座



又新舊月格等堤長八十三里一百二十五尺 堡房三十八座

一陳留縣南岸沿河大堤自祥符縣堤界起至蘭陽縣堤界止順長十九里一百四十六丈 堡房十二座

又月堤長七里一百四十丈 堡房二座

一蘭陽縣南岸沿河大堤自陳留縣堤界起至儀封縣堤界止順長二十六里一百二十三丈 堡房十三座

又月堤長十五里一百五十六丈 堡房三間

一儀封縣南岸沿河大堤自蘭陽縣堤界起至考城縣堤界止順長五十四里一百五十三丈 堡房三十

續河南通志

卷之二十二

河渠志

河防

三

二座

又月堤長七里一百九丈 堡房四座

一考城縣南岸沿河大堤自儀封縣堤界起至商邱縣堤界止順長六十里 堡房三十六座

一商邱縣南岸沿河大堤自考城縣堤界起至虞城縣堤界止順長六十五里 堡房二十五座

一虞城縣南岸沿河大堤自商邱縣堤界起至江南陽山縣堤界止順長一百十四里一百二十三丈 堡房四十四座

北岸沿河大堤自武陟縣沁河頭堤起至山東曹縣堤

界止通計長二百九十一里一百五十一丈五尺

又月格等堤通長九十二里八十二丈五尺

一孟縣黃河西自濟源縣界起東至溫縣界止小金堤  
七里工程奏明歸民築民修

一武陟縣北岸大堤自沁河堤頭起至滎澤堤界止遙  
月等堤六十二里九十七丈 堡房三十五座

一滎澤縣北岸沿河大堤自武陟縣堤界起至原武縣  
堤界止順長八里一百十八丈 堡房八座

一原武縣北岸沿河大堤自滎澤縣堤界起至陽武縣  
堤界止順長四十三里三十二丈 堡房二十五座

一陽武縣北岸沿河大堤自原武縣堤界起至封邱縣  
堤界止順長四十五里三十五丈 堡房二十座

續河南通志

卷之二十二

河渠志

河防

西

又月格等堤二十五里八十六丈五尺 堡房十座

一封邱縣北岸沿河大堤自陽武縣堤界起至祥符縣  
堤界止順長三十七里一百四十六丈五尺 堡房

二十座

又月石撐堤長四里七十九丈

一祥符縣北岸沿河大堤自封邱縣堤界起至陳留縣  
堤界止順長三十二里九十丈 堡房十五座

一陳留縣北岸沿河大堤自祥符縣堤界起至蘭陽縣  
堤界止順長十九里九十丈 堡房十八座

一蘭陽縣北岸沿河大堤自陳留縣堤界起至儀封縣  
堤界止順長四十三里 堡房三十六座



一儀封縣北岸沿河大堤自蘭陽縣界起至山東曹  
縣堤界止順長六十二里 堡房二十一座  
一大行等堤已詳前志

續河南通志卷之二十二終

續河南通志

卷之二十二

河渠志

河防

五

一夫谷善於引水

一夫谷善於引水六十二里

一夫谷善於引水六十二里

續河南通志卷之二十三

河渠志

河防三

河防事宜

河防志曰凡應用埽箇須捲長十丈八丈者方穩高一丈者埽臺要寬七丈方捲得緊如遇堤頂窄狹者加木平堤名曰軟埽臺然後捲埽先將柳枝網成埽心拴束充心繩揪頭繩取蘆柴之黃亮者縛打小纓總繫于埽心之上每丈下鋪滾肚麻繩一條或不必用麻者卽用蘆纜又將大蘆纜兩條行繩一條密鋪於小纓之上鋪草爲筋以柳爲骨如柳不足用柴代之

續河南通志

卷之二十三

河渠志

河防

一

均勻鋪平需夫五六十名如長十丈者共需夫五六百名八丈者四五百名用勇健熟諳埽總二名一名執旗招呼一名鳴鑼以鼓衆力牽拉捆捲後用傘稈戩推埽將臨岸將小纓均束於埽埽拆上每丈釘下留橛二根將滾肚繩挽於留橛之上每揪頭繩一根亦釘留橛一根看水勢之緩急定揪頭繩之多寡漸次將埽推入水中將橛頭滾肚用活扣結於留橛之上然後慢慢壓土俟埽將次沉下然後下椿每丈用一尺八寸木一根若水勢湍激頂衝埽灣並合龍之埽須用大木不在一尺八寸之例每丈用料物細數

照現行工部則例配用可也

捲埽下埽之法



又曰凡黃河內工埽有修防有救險有搶險有新生險  
修防工程於霜降後水勢退消驗查舊埽傾畝者墊  
陷者卑矮者朽爛者須將舊埽清消平妥相機補下  
層層簽釘大椿照依大汛水漲之痕仍高出數尺一  
律下臥順埽薄敷以土俟其墊實方可下丁頭埽若  
埽未墊實卽下丁頭埽前順埽一有墊陷將別埽俱  
爲帶動矣其救險工程將有危陷埽尚未去急須臨  
河添壓大埽長椿靠堤急清舊埽悉爲滙崖填之以  
軟草將兩傍安穩之埽亦須補下大椿併力救護勿  
使走動則工程平穩矣其搶險乃因舊埽朽爛或因  
頂衝急溜將埽下衝空舊埽全去水滙崖岸舊堤坍塌

續河南通志

卷之二十三

河渠志

河防

二

御岌岌堪虞當此之際人皇皇莫知所措搶險工程  
事有先後埽有緩急若悞下一埽悞釘一椿反致逆  
溜湍激衝刷舊堤欲去不能每致債事須責令久慣  
埽手或熟諳工程人員殫心料理責任旣蒞令其度  
量穩妥然後急爲接下埽箇晝夜搶下庶舊堤無虞  
兩傍之埽平穩矣其新生險工每於舊險工之上下  
黃河大溜一時衝至埽傍舊堤垣坡坍塌卽急須下埽  
直至開溜之處而止大率埽料黃河之內以柳柴爲  
重次則枯草樁必長大繩須堅實至於壓土非比清  
水埽箇黃水一入埽中卽泥沙停滯若壓土太厚反  
悉畝卽俗云下埽無法全憑土壓者乃是言清水之



埽也黃河內下埽之法

又曰凡黃河初決且不必急計裹頭亦不必急計堵塞初開之時水勢涵湧未可與爭看其出口急溜若有奪河情形須建挑水壩以遏其勢上流挑挖引河以挽其流速運積物料物既積矣猶在得時時可堵矣裹頭舊堤務必多下邊埽堅固停妥然後逐漸進埽埽不可緩緩恐決口漸深又不可急急恐下埽有失埽必務其大而長長大則穩捲埽骨重於繩纜其揪頭滾心滾肚必須長壯務使繩勝埽莫使埽勝繩埽既下矣薄用土壓埽將沉於水方釘簽椿再加套埽其椿亦必須長大計埽將到底方可再進沉水將

續河南通志 卷之二十三 河渠志 河防 三

次合龍之際須查在工料物除合龍之外仍多積料物須隨合龍之後必一大蟄陷每於合龍之後復開決者率因蟄陷故也於合龍之時晝夜兼工堵塞遇有毛道過水或係椿釘不平或係埽手作弊故留罅隙必須急為壓土使其平實於罅隙用稻草或紅草塞之務使斷流若涓涓不息漸至蟄陷蟄陷不急搶救則潰矣欲杜椿埽手之弊惟有恤其勤勞厚以賞賚不必按日計值惟以成工為主則工易舉而成亦速也至決口初開時不係頂衝之處出口勢緩水既平散亦不必急計堵塞久之率多掛口淤墊也黃河塞決

之法



又曰凡黃河迎溜之處宜建築挑水壩又名順水又名磯嘴又名馬頭其功最大如清河縣境內之運口每爲黃水急溜直逼下家汪關攔清水不得暢出以致運口淤墊陶家庄引河數挑不成仰遵

聖謨指示於運口迤西築挑水壩一座將黃水挑逼北徙

清水得以暢出陶家庄引河得以成功今二瀆合流河工告成者攸賴於是凡遇有險工之處照式築之裨益非小酌試建築之法壩欲其寬不可甚長須做雁翅邊埽以順上流勿使埽頭逆溜有掀揭之虞若離縷堤遠者須接築格堤捍禦以防異漲時黃水溢漲後衝刷之虞

建築挑水壩之法

續河南通志

卷之二十三

河渠志

河防

四

上諭黃河灣曲之處俱應挑挖取直於是挑挖陶家庄引河工成而淮水暢流挑挖戚家堡楊橫莊引河工成而險工遂平仰見

聖謨精詳黃流取直之明效也挑引河之法審勢貴於迎溜而施功宜於深濶且俟水大漲乘機開放則有一瀉千里之勢若挑挖太窄則受水無多遑難挽溜以入新河若挑挖太淺水不全趨勢緩則墊若挑引河太短水流不舒爲正河所抑洄洑漩淤須挑挖六十丈或四十丈卽窄亦須十餘丈須長二千丈或千餘丈卽短亦須八九百丈方趨溜有勢而成河若挑挖

又引河太直固屬節省錢糧又恐直則平緩而無波瀾



湍激之勢久亦漸淤也須隨黃河大勢開挑俾其河頭迎激河尾洩水中間灣處急溜衝刷漸次河岸倒卸再於河頭築節水埽壩河尾築順水埽壩對河築挑水埽壩庶引河可成也

挑挖引河之法

又曰凡屬河道必築堤束水歸槽以防旁溢無論創築加帮總以老土為佳但黃河兩岸率多沙土恐難盡覓老土須于堤完後務盡老土蓋頂蓋邊栽種草根以禦雨淋衝汕築堤之法每土六寸行礮其岐縫處用夯堅築其新舊堤交界又用鐵杵力築層層夯礮期於一律堅實總以簽試不漏為度

帮築堤工之法

河防一覽曰河南黃河南岸逼近省城最為喫緊如榮

續河南通志

卷之二十三

河渠志

河防

五

澤縣之小院村中牟縣之黃煉集祥符縣之瓦子坡槐疙疸劉獸醫口陶家店張家灣時和驛兔伯岡埽頭集陳留之王家樓蘭陽縣之趙皮寨儀封縣之李景高口普家營商邱縣之楊先口俱為要害北岸迤近漕河最為要害如榮澤縣之甄家莊郭家潭陽武縣之脾沙堰原武縣之廟王口封邱縣之于家店中灤城荆隆口祥符縣之黃陵岡陳橋貫臺馬家口陳留寨蘭陽縣之銅瓦廂板廠樊家庄張村集馬坊營儀封縣之空泥河煉城口榮華樹三家莊考城縣之

陳陸莊芝蔴莊孝城口俱為要害

摘錄

禹貢錐指曰自古論河患者皆云孟津而下地平土疏



遷徙不常失禹故道然吾觀孟津以上亦不能無害  
自杜預建浮梁之後更歷百餘年不聞爲水所毀至  
唐貞觀十一年河溢懷中渾城始見於史逮宋而其  
患彌甚史不絕書嘉祐八年大水馮襄中渾之城遂  
廢推原其故蓋隋唐以來底柱闕流之害倍於曩時  
延及孟津河身亦淺水暴至不能容故也宋世河北  
淤澱水不通行今兩岸灘渚更多非止一中渾矣其  
所以不至遠汎濫者徒以夾河之山脉未盡地高土  
堅耳然上流之怒不泄則害必鍾於上流漢明帝詔  
曰左隄疆則右隄傷左右皆疆則下方傷孟津之隄  
所謂左右皆疆則下方傷者也至滎陽則左隄疆而  
右隄傷矣治河者欲使洛汭以東永無溢決其可置  
孟津底柱於度外乎

續河南通志

卷之二十三

河渠志

河防

六

孔氏疏曰釋水載九河之名云徒駭太史馬頰覆釜胡  
蘓簡絜鉤盤鬲津漢書溝洫志明帝時河隄都尉許  
商上書曰古說九河之名有徒駭胡蘓鬲津今見在  
成平東光鬲縣界中自鬲津以北至徒駭其間相去  
二百餘里是知九河所在徒駭最北鬲津最南蓋徒  
駭是河之本道東出分爲八枝也商上言三河下言  
三縣則徒駭在成平胡蘓在東光鬲津在鬲津其餘  
不復知也爾雅九河之勢從北而南既知三河之處  
則其餘六者馬頰太史覆釜在東光之北成平之南



簡絮鈎盤在東光之南鬲縣之北也其河填塞時有  
故道今河間弓高以東至平原鬲津往往有其遺處  
朱子曰禹治水只是從低處下手下面之水盡殺則上  
面之水漸平

宋史河渠志曰舊志歲虞河決有司常以孟秋預調塞  
治之物稍芟薪柴樾櫪竹石藜索竹索凡千餘萬謂  
之春料詔下瀕河諸州所產之地仍遣使會河渠官  
吏乘農隙率丁夫木工收采備用凡伐蘆荻謂之芟  
伐山木榆柳枝葉謂之梢辦竹糾芟謂索以竹爲巨  
索長十尺至百尺有數等先擇寬平之地爲埽場埽  
之制密布芟索鋪梢稍芟相重壓之以土雜以碎石

續河南通志

卷之二十三

河渠志

河防

七

以巨竹索橫貫其中謂之心索卷而束之復以大芟  
索繫其兩端別以竹索自內旁出其高至數丈其長  
倍之凡用丁夫數百或千人雜唱齊挽積置於卑薄  
之處謂之埽岸旣下以楸梲闔之復以長木貫之其  
竹索皆埋巨木於岸以維之遇河之橫決則復增之  
以補其缺凡埽下非卽數疊亦不能遏其迅湍又有  
馬頭鋸牙木岸者心蹙水勢護堤焉

行水金鑑曰河性湍悍如欲殺北岸水勢則疏南岸上  
流支河上策也然支河或不順水勢則雖開而復淤  
舊有馬頭之制蓋捲埽出河丈餘稍順水勢連出數  
埽雖終不能禦然水性極悍一有所觸卽折而他注





乾隆三十年奏定辦料章程

工部爲奏請

聖訓事都水清吏司案呈內閣抄出河南巡撫阿思哈

奏前事一摺乾隆三十年五月十八日奉

硃批所奏是該部議奏欽此欽遵於本月二十一日抄出到部該臣等議得河南巡撫阿思哈奏稱竊照豫省逼近黃河河工物料例應沿河三十二州縣按地派買以資修防此係保護民生之事原屬分所應辦乃臣到任以來隨地諮訪皆以民間辦料爲累惟是地方官與河員各存意見恐出泛泛之論未敢輕信第念辦料爲河工之要務歲所常有隨細加體察始知

續河南通志

卷之二十三

河渠志

河防

九

百姓於此實有苦累者深求其隱蓋在運料交料兩端所謂運料之累者業戶地畝多寡不同出料因之各異在大戶料多猶有力能自運者若零星小戶出料有限離工路遠必須僱車裝載人工飯食牲口喂養沿途旣須盤攬到次又有守候在在多費曠業費時遂有一等無藉之人名曰料頭出而包辦講定料價運價併一切使費層層折乾何啻數倍而百姓較之自行運交寃爲省便以致甘心吃虧雖向年俱經屢禁無如別無良法奸民得志遂爾公行無忌臣思料頭旣能就近買交民間何難照辦祇因業戶不齊誰肯秉公出頭即使肯辦有人保無侵蝕仍如料頭



者臣輟轉籌畫擬官爲倡導先行試辦動給司庫無  
碍公項於秋成後物料價平之時查明不能自運之  
戶選委佐雜幹員領銀就近採買代辦運交工所事  
畢確加核算除應給官價外不敷若干令各業戶繳  
解司庫歸款較之料頭包辦必然大減如果試行有  
效卽飭各州縣每年慎選地方公正之人借領銀兩  
遵照章程督率辦理則運料之苦可以漸免臣現在  
率同司道府縣熟籌妥辦俟有就緒另行奏報所謂  
交料之累者河工收料堆貯日久難保不無折耗秤  
收未免稍高乃因此有加三四者甚有加七八者農  
民辛苦運來已經狼狽乃復重秤虛喝爲累益深臣

續河南通志

卷之二十三

河渠志

河防

十

細詢河員與該司道再三講求始知多收實自有故  
緣每年秋汛河道總督赴豫防範約需三月所帶官  
弁兵役以及隨工道員以下不止一三百人每日米  
薪菜蔬燈燭鋪墊以及夫馬等項皆係管河廳員伺  
應雖亦酌量發價工所地方偏小向無市賣多係廳  
員由他處買運常川伺候其隨從兵役各有規費相  
沿已久不知起自何年費用浩繁難以悉數河員賠  
墊旣多不免浮收物料以圖抵補職此之故伏思屬  
員供應上司久奉例禁河臣身受

皇上重恩及監司大員斷無不知自愛惟家人兵役以及  
標弁人等罔識事體視爲成例任意索求恬不爲怪



正恐涓流不止甚至有冒工侵帑之事所關甚鉅但積弊相沿非自今始合無仰懇

皇上天恩

特降諭旨嚴加飭禁不咎既往杜其將來俾河員得免供應之煩無所借口不致再有浮收倘或故違立予糾叅重治其罪則交料之苦亦可永除吏治更得肅清豫省官民共沐

皇仁於無既等因具奏前來查河工預辦料物以備修防自應官爲經理不悞工而亦不累民豫東二省河工物料先於乾隆二十年據原任河東河道總督白鍾山會同河南山東巡撫奏稱每年預備歲搶修防料

續河南通志

卷之二十三

河渠志

河防

七

物俱於八月內發給廳印各官分頭採辦十二月內全數辦足交工又管河廳官係收用料物之員難保其不暗加多收應派委附近不管河工之同知通判等官監收等因經臣部議覆准行在案嗣於乾隆二十九年據原任河東河道總督葉存仁請將豫東廳縣辦料交工責成道員查驗其每年派委丞倅監收之例應行停止等因奏准咨明臣部亦在案是豫東二省採辦料物並監收查驗各事宜久經議定章程原屬官爲經理至民間運交料物係地方各官自行按地派買今據該撫體察民間運料實有苦累以致一種無藉之人出而承攬公行無忌自不可不籌代



辦之法俾奸民不能漁利而貧民亦不致受累據奏稱請令官爲倡導先行試辦動給司庫無礙公項於秋成後物料價平之時查明不能自運之戶選委佐雜幹員領銀就近採買代辦運交工所事畢確加核算除應給官價外不敷若干令各業戶繳解司庫歸款如果試行有效卽飭各州縣每年慎選地方公正之人借領銀兩遵照章程督率辦理俟有就緒另行奏報等語應如所奏先行試辦仍俟試行有效體察民間果不致有受累之處議定章程再行據實奏

聞至奏稱交料之累係每年河道總督赴豫防汛管河之

廳員伺應雖亦酌量發價而隨從兵役各有規費賠

續河南通志

卷之二十三

河渠志

河防

三

墊既多不無浮收物料以圖抵補等語查河工監收物料奏定以十六兩准秤秤收至屬員供應上司屢

奉

聞果不致有受累之處議定章程再行據實奏

聞至奏稱交料之累係每年河道總督赴豫防汛管河之

廳員伺應雖亦酌量發價而隨從兵役各有規費賠

墊既多不無浮收物料以圖抵補等語查河工監收物料奏定以十六兩准秤秤收至屬員供應上司屢

奉聞果不致有受累之處議定章程再行據實奏

諭旨申飭嚴禁河臣因公防汛自應輕騎減從自給資斧不令屬員供應豈可令其浮收物料以爲彌補陋規之地亦應如該撫所奏行令河道總督凡有巡查公出將家人兵役標弁人等加意察查嚴加約束如有仍前需索將官弁立卽叅處家人兵役人等從重治罪並飭該管道員於查驗物料之時照依奏定准秤秤收倘各員仍暗地浮收察出立卽糾叅治罪恭候

命下臣部行文該督撫遵照可也乾隆三十年六月初五



日奏本日奉

旨依議欽此

河南巡撫臣阿思哈謹

奏爲辦料試行有效民情感頌

聖恩恭摺奏報事竊照豫省河工料物例應沿河州縣領帑按地派買緣工次遠近不等業戶大小不齊載運旣屬艱難而工員不無浮收之弊遂有料頭出而包辦重叠折乾何啻什倍民間深以爲累臣察知顛末設法剔釐隨經恭摺奏明借動閒款官爲試辦代買代交如運費不敷事竣核實征還等因仰蒙

皇上洞悉民艱

續河南通志

卷之二十三

河渠志

河防

三

特恩允准臣卽與該司道商酌借動司庫閒款銀兩於七八月間新料未登之際選委現任試用佐雜能員按照歷年應辦料物數目分赴附近出產地方照依時價公平採買預給現銀約定臨期收取絲毫不許尅扣賣料之民見價無短少無不踴躍願售並發十六兩官秤至十月內各工開廠臣又分委佐雜人員赴彼監同交兌惟恐仍有偏枯復委丞倅大員來往督察各河員俱凜遵

功令隨到隨收不敢稍有浮重而承辦之員得以隨運隨交事半功倍今於十一月內業已全數交完隨查買價與額定之價不相上下惟盤費人工車腳等項



費用並新料虛鬆酌加折耗共計每稽料一勛除官價九毫外糧戶應貼運費錢一文除五錢以上糧戶不派外其有糧銀一兩者止貼運費錢六十九文較之往年不及十分之一且又無需自辦坐享其逸欣喜逾常感戴

皇仁歡聲徧地不數日間盡將貼費如數完納已飭解司歸欵料物現經告竣比向年民辦又早月餘實已著有成效計此案指示督辦臣與司道之責而贊襄經理盡心調劑則開封府知府劉標實董其成所有辦料試行有效緣由理合具摺奏

聞抑臣更有請者辦料爲百姓分內之事祇因運交滋累續河南通志

卷之二十三

河渠志

河防

古

是以官爲代辦但恐行之日久民間忘其原委反視民事爲官事殊失代辦本意而河務緩急不常民辦舊規豈可遽誘應請嗣後每年酌借司庫閒欵委員代民辦理悉照現行章程外仍令各該地方公舉正直老成矜士隨同委員辦理俾知其故以示至公庶名實相副而豫中億萬生民咸沾

聖德永永無旣矣伏乞

皇上睿鑒

訓示謹

奏乾隆三十年十二月二十日奏於乾隆三十一年正

月初三日奉到



硃批知道了欽此

附本年辦料條款

河工所需料物係秫秸穀草葎蔴樾木四項今議稽草各按工次需備若干分委人員於各工附近地方買辦蔴筋另委專員赴出產地方採買運工樾木所需約二千根爲數無多仍交各地方官照舊購辦

一辦料數目乾隆二十七八九等年歲派俱在四千萬筋上下皆係按工程平險酌定今歲照河院單開各廳應辦料數合計共稽三千八百五十萬筋草二百五十萬筋蔴十五萬筋應卽照此委員照工分辦事竣之日開歸懷三府各按所屬工次採辦數目分認

續河南通志

卷之二十三

河渠志

河防

五

一料物堆久難免折耗每稽百筋酌加三十筋草百筋酌加二十筋同正料交收以免工員賠累今計正稽三千八百五十萬筋應加一千一百五十五萬筋正草二百五十萬筋應加五十萬筋連正稽正草通共應辦正加稽五千零五萬筋正加草三百萬筋其蔴十五萬筋無庸加數

一料物官價每稽一筋例給銀九毫草一筋銀七毫七絲一忽零除扣部飯外料貴之年原有不敷且委員雖於附工處收買運交而地方各有遠近搬運之費亦不可少今議每稽草一筋連運均以一釐四毫爲率蔴一筋連運以二分爲率物價長落不時應聽委



員隨時隨地酌量採買如有節省據實開報仍委丞倅大員往來稽查勿致浮冒

一借支料價計正加稽五千零五萬觔每觔以一釐四毫計算需銀七萬零七十兩正加草三百萬觔每觔以一釐四毫計算需銀四千二百兩蔴十五萬觔以二分計算需銀三千兩以上稽草蔴三項價脚通共銀七萬七千二百七十兩應於藩庫無礙閒款內借動由開歸懷三府請領暫貯府庫再令委員同地方官會領寄貯縣庫聽委員陸續支用每五日將買料若干發銀若干開摺具報俟事竣之後通盤合計除正稽正草蔴三項道庫應發官價銀三萬八千三百一十三兩四錢六分二釐九毫六忽外其不敷銀兩令各州縣按地派征彙解歸款

續河南通志

卷之二十三

河渠志

河防

七

一堆料工所共十六處上南河廳之滎澤十一堡胡家屯裴昌廟三工應辦正加稽八百萬觔正加草五十萬觔委官二員承辦楊橋工應辦正加稽二百四十萬觔正加草十萬零六十觔委官一員承辦下南河廳之黑堽工應辦正加稽七百一十萬觔正加草五十萬零二百觔委官二員承辦時和驛河渠二工應辦正加稽二百萬觔正加草九萬九千八百觔委官一員承辦黃沁廳之木欒店工應辦正加稽六十五萬觔委官一員承辦上北河廳之陽武十七堡五堡



二工應辦正加稽二百六十萬勛正加草十九萬九千九百二十勛委官一員承辦下北河廳之祥符十八九堡工應辦正加稽六百五十萬勛正加草四十萬零三百二十勛委官二員承辦銅瓦廂工應辦正加稽四百五十五萬勛正加草十九萬九千九百勛委官一員承辦三堡雷神廟工應辦正加稽三百二十五萬勛正加草九萬九千八百勛委官一員承辦曹儀廳之儀封三家庄工應辦正加稽六百五十萬勛正加草三十萬勛委官二員承辦商虞廳之七堡辛家集工應辦正加稽六百五十萬勛正加草六十萬勛委官二員承辦又麻十五萬勛委官一員承辦

續河南通志

卷之二十三

河渠志

河防

七

一 委員盤費每員日給銀五錢于起程赴工採辦之日起至交竣之日止統於料價盈餘項下開銷所至之處地方官借給自養馬一匹以資乘騎

一 委員河廳交收料物用較定官秤公平秤收固不得照前浮多亦不得任意輕短屆期分委佐雜等官赴各工監兌並令丞倅稽查以昭公慎

一 料物須乾透方可上垛應令各河廳於十月內定期開廠知會委員陸續運交務遵定例于歲內全完不得遲滯開廠後逐日交收數目令河廳委員及監兌官亦按五日一次各開清摺具報以憑查考

一 辦料委員揀選勤幹能事留心民瘼有志向上者分



定承辦處所于七月末旬卽行赴地採買其採買之道總照商賈經營聽其隨宜酌辦但不得生事擾民短價勒買仍令地方官協同辦理並撥妥役二名跟隨委員使喚如能辦理妥協而又能節省俟事竣之日分別等第酌與獎勵

一 上南下北上北曹儀商虞五廳各委佐雜一員監兌下北河廳委佐雜二員監兌再派丞倅三員一員稽查上南下南二廳一員稽查上北下北二廳一員稽查曹儀商虞二廳其監兌各員每員日給盤費銀五錢稽查各員每員日給盤費銀三錢並于料價盈餘內開銷

續河南通志

卷之二十三

河渠志

河防

六

一 各廳料物上垛例需垛夫工銀料既不許浮收此項未免賠墊今議卽于加稽數內各減辦若干將價給廳以爲垛夫之費今依各廳所收料數計算上南河廳給垛夫銀六百四十兩應減辦加稽四十五萬七千一百四十三筋下南河廳給垛夫銀五百六十兩應減辦加稽四十萬筋黃沁廳給垛夫銀四十兩應減辦加稽二萬八千五百七十二筋上北河廳給垛夫銀一百六十兩應減辦加稽一十一萬四千二百八十六筋下北河廳給垛夫銀八百八十兩應減辦加稽六十二萬八千五百七十一筋零曹儀廳給垛夫銀四百兩應減辦加稽二十八萬五千七百一十



四筋零商虞廳給琛夫銀四百兩應減辦加稽二十八萬五千七百一十四筋零七廳共應減辦加稽二百二十萬筋零實止應辦正加稽四千七百八十四萬筋

一辦理料案以開封府爲總理凡領價發價查催指示一切事宜均由開封府承行照轉委員報摺亦投該府轉報該府衙門撥書吏六名專司其事每名日給飯食銀五分以資辦公

一官辦料物原因除零星小戶包辦運交之累其大戶有力者本應令其自運交工但于三十二州縣中詳查分晰頗涉紛煩易滋弊竇且事出兩岐轉恐不能

續河南通志

卷之二十三

河渠志

河防

九

迅速完竣今議無論大戶小戶一概官爲代辦無庸分別另派以歸簡易

一各工料物買竣價有定准由河道將某州縣應分辦數目若干行令各州縣照往例按粮派料除去官價若干所餘不敷之價將每畝每戶該繳若干詳細分晰徧行曉諭遠近周知俾無朦混並刊刻三連易知單單內註明某戶該料若干除應領官價若干尚應繳價若干一存備查一給納戶一送本府核對

一往年派料各州縣有三四畝派起者亦有四五十畝派起者灘地有派有不派者應令州縣仍照往例辦理先行按畝按戶造冊申送本府查對務須每里結



一小總各里共結一大總亦如征糧冊籍總撒相符  
庶免弊混

一征收料價差役固多滋擾鄉地亦恐侵吞若令花戶  
俱各赴縣親交零星小戶既慮跋涉又多盤費殊有  
未便須于一村之中選點老成殷實之戶一二人協  
同地保將單數錢數開一總單連易知單交給該戶  
其村中大小料戶照易知單內錢數連易知單俱交  
該戶令于逢五逢十赴縣交納各州縣設櫃大堂或  
親身查收或委佐雜教職代收不許書役經手單內  
用收訖紅戳刻明花押以杜假冒之弊收後仍將易  
知單發還散給料戶收執庶無舛錯

續河南通志

卷之二十三

河渠志

河防

三

一各州縣征解料價不無雜費每銀一釐准其收制錢  
一文易銀解繳其傾鎔火工造冊紙張解銀腳費俱  
在其內不許另外開銷







